

BASES DO SORTEO DA CAMPAÑA DE NADAL 2022

1. A Asociación Empresarial de Valdeorras (AEVA) e a asociación Centro Comercial Aberto (CCA) O Barco organizan de forma conxunta e con motivo da campaña Nadal 2022 un sorteo de vales de compra e estoxos de viño da Denominación de Orixe Valdeorras para todos os clientes dos establecementos asociados da comarca de Valdeorras.
2. O sorteo levarase a cabo na comarca de Valdeorras no período comprendido entre o día 14 de decembro de 2022 e o día 7 de xaneiro de 2023.
3. Os establecementos integrados en AEVA e no CCA O Barco que participen na Campaña de Nadal 2022 pedirán ós seus clientes que cubran o tícket de compra co seu nome e un teléfono de contacto para participar no sorteo dos seguintes premios:
 - **Oito (8) TALÓNS DE COMPRA por importe de 100€ cada un.**
 - **Dous (2) TALÓNS DE COMPRA por importe de 200€ cada un.**
 - **Cinco (5) ESTOXOS DE VIÑO doados polo Consello Regulador da Denominación de Orixe Valdeorras.**

Os clientes deberán participar da seguinte forma:

- I. Coas compras comprendidas entre o 9 de decembro de 2022 e o 7 de xaneiro de 2023, os clientes poderán, se así o desexan, escribir no tícket de compra nome e teléfono para poder participar no sorteo. Os tickets cos datos dos clientes se depositarán nunha urna nos establecementos, que posteriormente entregarán na oficina de AEVA e CCA O Barco para celebrar o sorteo.
 - II. Iniciado o sorteo procederase a sacar cinco tickets, un por un, que corresponderán cos cinco estoxos de viño doados pola Denominación de Orixe Valdeorras. Posteriormente, se extraerán dez tickets de compra, un por un, para obter os nomes que corresponderán cos dez talóns de compra.
 - III. Ningún establecemento poderá entregar máis dun premio, motivo polo cal se anulará(n) o(s) tícket(s) premiado(s) no(s) establecemento(s) que previamente xa houbera(n) entregado un.
 - IV. Os premiados poderán investir os seus vales de compra nos establecementos participantes na Campaña de Nadal, é dicir, nos comercios e establecementos de hostalaría que acheguen á oficina de AEVA e do CCA O Barco tickets de compra cubertos cos datos dos clientes para a celebración do sorteo.
4. Quedan excluídos de participar no sorteo tódolos comerciantes que participan na campaña, así como os seus empregados, pais, fillos, cónxuxe/parella, e sogros.

5. O sorteo da Campaña de Nadal 2022 celebrarase o día venres 13 de xaneiro de 2023, na sede das asociacións comerciais na rúa España, 1 de O Barco.
6. Os/as premiados/as publicaranse nos medios de comunicación, así coma nas redes sociais e na páxina web de AEVA e do CCA O Barco.
7. Os/as premiados/as, que serán avisados no teléfono que consta no tícket de compra, disporán de quince días naturais, dende a data do sorteo, para aceptar o premio, sendo obrigatorio que presenten o seu DNI e unha copia do mesmo.
8. O(s) premio(s) que non sexa(n) aceptado(s) no prazo establecido quedará(n) deserto(s).
9. A cada un dos agraciados se lle entregará un estoxo de viño da D.O. Valdeorras ou un talón de compra no que figurarán os establecementos que participaron na campaña e nos que poderán investir o importe correspondente. Os/as premiados/as terán que investir o importe dos talóns no prazo de DOUS MESES, a contar dende a o primeiro día hábil trala celebración do sorteo.
10. Os/as premiados/as teñen a obriga de recoller persoalmente os premios, motivo polo que quedarán desertos os que non sexan recollidos polo seu titular, e terán que entregar unha copia do seu DNI as entidades organizadoras para acreditarse como gañador.
11. A participación no sorteo supón a plena aceptación destas bases, así como a autorización ás entidades organizadoras para a utilización dos datos de identificación facilitados polos participantes nos tickets de participación, única e exclusivamente para os fins propios desta campaña. Esta autorización faise extensiva á imaxe dos gañadores para os efectos de publicidade do resultado da campaña. O incumprimento destas bases supón a privación de tódolos dereitos que podan derivar da participación na campaña.
12. AEVA e o CCA O Barco xestionarán os datos persoais facilitados polos participantes nesta campaña con estrito cumprimento de tódolos requisitos exixibles pola Lei orgánica 03/2018, do 5 de decembro, de Protección de Datos Persoais e Garantía dos Dereitos Dixitais. Os datos facilitados polos participantes que resulten premiados incorporaranse un ficheiro automatizado, e serán utilizados, única e exclusivamente, para ditos fins previstos nas presentes bases. Non obstante, calquera dos participantes poderá exercer os seus dereitos de acceso, rectificación, cancelación e oposición por medio dunha comunicación escrita dirixida a: Asociación Centro Comercial Aberto O Barco, rúa España 1, 32300 de O Barco de Valdeorras. Unha vez transcorridos os prazos legais establecidos, os datos recopilados para o fin serán destruídos.

13. AEVA e o CCA O Barco resérvanse o dereito a modificar total ou parcialmente estas bases, así como a suspender o sorteo, sen incorrer en ningún tipo de responsabilidade.

O Barco de Valdeorras, decembro de 2022